



Sarajevo, 14.05.2020. godine

MEDIJIMA

SAOPĆENJE ZA MEDIJE

Održana video-konferencija Pododbora za trgovinu, industriju, carinu i oporezivanje između EU i BiH

Četvrti sastanak Pododbora za trgovinu, industriju, carinu i oporezivanje između predstavnika Evropske unije i institucija u Bosni i Hercegovini održan je danas putem video-konferencije. Sa bh. strane sastankom je kopredsjedavao Dragiša Mekić iz Ministarstva vanjske trgovine i ekonomskih odnosa BiH, a sa strane EU Ingrid Jenezova iz Opće uprave za proširenje i politiku susjedstva.

Teme sastanka bile su vezane za trgovinu, oporezivanje i carine, a fokus razgovora bio je na mjerama i inicijativama preduzetim u toku aktuelne situacije uzrokovane pandemijom Covid-19.

Istaknuta je i pozdravljena činjenica da je BiH jedna od rijetkih država koja u situaciji pandemije nije donosila ograničenja ili zabrane vezano za vanjsku trgovinu, nego su sve aktivnosti bile usmjerene ka njenom olakšavanju. Među aktivnostima Komisija je pohvalila pravovremeno donošenje odluka vezano za otvaranje zelenih prioriternih traka za vitalne proizvode i utvrđivanje liste vitalnih proizvoda u regiji zapadni Balkan. Ocijenjeno je da preduzete mjere u oblasti carine idu u dobrom smjeru, a bh. delegacija je istaknula kako u situaciji pandemije korona virusa nije došlo do prekida transporta. Bh. delegacija je upoznala Komisiju s entitetskim mjerama i mjerama na nivou Brčko distrikta BiH, preduzetim s ciljem ublažavanja posljedica Covida-19 na ekonomiju, uključujući industriju i mala i srednja preduzeća.

BiH je ohrabrena da dovrši ratifikaciju Multilateralne konvencije o uzajamnoj administrativnoj pomoći u poreskim pitanjima OECD-a, kao i pristupanje Svjetskoj trgovinskoj organizaciji. BiH u narednom periodu treba da uskladi svoje akcize, posebno akcize na pivo s *acquis*-em EU, kao i svoj NCTS (Novi kompjuterizovani tranzitni sistem) sa carinskim zahtjevima EU. Također, BiH treba usvojiti zakon o elektronskoj identifikaciji i uslugama povjerenja za elektronske transakcije u skladu s *acquis*-em.

Pododbor za trgovinu, industriju, carinu i oporezivanje je jedan od sedam pododbora, zajedničkih tijela EU i BiH, osnovanih u skladu sa SSP-om u svrhu praćenja njegove primjene. Razmatra pitanja u vezi sa poglavljima 1, 16, 20, 29 i 30 *acquis*-a EU. O radu Pododbora
vidi
više

Direkcija za evropske integracije